

LA GUERRA MONDIALE

E I SUOI PRIMI RESPONSABILI

Poesia in Dialetto Romagnolo scritta prima della vittoria

Tutt e mond grida vendetta
sa cia raza maledetta
che sta guera ià scadnè!
Vliv savè chi è che ste!?...
Cecco Beppo e Guielmoun
e fu i Tedisch per ambizion
da dvantè i padroun dla tera
e fu lour ch' ià vlu sta guera.
L'era tent chis preparava!?...
quand i vidd che ielt i steva
con al men ma la cintura
ii de la bota a dirittura!...
Tutt i sforz chi fec i sted
acciò chis fuss accomoded
Lour in vleitt ascoltè niint
perchè iera za convint
che in se' mis e pou d' galopa
da dventè i padroun dl' Europa.
Ma sta volta Guielmoun
ess la è fata in ti calzoun;
~~cos al otpè si su ragir?~~
di dolour e di sospir
prima per Lou che vagabond
e pu per guasi tutt e mond!
Lour fu i prim istigadour
e tutt la causa d' sti dolour.
Se al se diffes pou ielt nazioun
al iaveva mill rasoun!
Lour fu i prim a dei ados
vliv clin s'fussa nienca mos?
Fraenza, Belg, Serbia e Polach
a vli chi fuss ste tent vigliac
quand i vidd sla baionetta
chii foreva la panzetta
es testerd listess di mul
a tnes al men di dre de cul?...
i se difes e ià fat ben!...
e mi tedesch brutt aguzein
an sarà oz an sarà dmen
ma e su dè le poch lonten
chi sarà punid da fat
di su delitt di su misfat!...
Perchè trop iniquità
ià comess in quà e in là!...
Com in te Belg, in pseva andè!
che anche Lour ieva firmè

un trattè internazionel
che in Europa tutt eguel
i Re i l'aveva da osservè!
Lour invec i la sciantè
come qualunque sia cartaza,
e iò entrè, padroun dla piazza
ià comess tent d' chi delleitt
che in te mond in fu mai scritt!
Ià mutilè ma di burdell
di fat orrend e basta quell
per di che i tigrì i più affamed
iè men cattiv e scellered!
S' iareplan, si sottmarein
ai fat poch vittim st' iassasein!?
pacenza i là do chiera in guerra...
ma an fu un infamia una purchera
affondè di bastiment
con del doni e d' iinozent?...
E Lusitania, an varcordè
che i Tedisch i la affondè
~~con del famei d' operai~~
pin d' miseria e pin d' guai
chi torneva de lavour,
e sti iinfem, sti sgrasadour
senza riguerd ma povre o ricch
i ii mandò ma tutt a piech?
Ma al birbonedi d' iaguzein
l' in potrà finì mai bein!
com la è messa la fazenda
bsò i boia chi s' arenda!
che in confront d' tutt l' intesa
per lour le inutil la difesa!
Ma me à laveva za preveist
chi doveva fe un fein trlst!
Di fat quand sti prepotent
iaveitt i prim combatiment,
disfat e Belg chin portò fora
preparèd com iera allora
la vittoria dl' obbietiv,
ch' ieva deitt ho mort o viv
d' andè a Parigi a to i quattrein
e che e colp an iandò bein...
Me... per me... a la viddi cera
chin vinzeva più la guera!...
Enz ai died una sentenza
che da allora in conseguenza

quei ch' sarcorda ancora in dis
 ca fui giust, ca fui precis!...
 Av dirò ades quell ca ho deitt
 sebben cle un pezz che me a lo sereitt
 a m'arcord puntualment
 ca lo ancora i qui tla ment.
 Ai diss — la Germania poc temp fa
 — Prima dla guera tutt il sa
 — Clera l' unica nazioun,
 — per armament per munizioun
 — per soldè ben istruid,
 — con un esercit compid
 — d' qualunque cosa necceseria,
 — per fe guera in tera in eria,
 — sotta e sora i là te maer,
 — contra i fort guarnid d' fer,
 — cla eva fat che gran mortel
 — con un proietil d' nov quintel
 — che colpiva e l' arbalteva
 — a trenta meia se troveva
 — anche un fort sl' era d' metal
 — cla assalì t' un interval
 — Ma dla zenta imprepara
 — e che Lei per fe st' armada
 — l' era circa quarent' an
 — clas prepareva, per de dan
 — si fuzzi e si kannoun
 — ma qualunque sia nazioun!...
 — l' an fu bona d' vinz allora!...
 — ades sla tira ancora fora
 — tutt i dievul da l' Inerne
 — l' an vinzrà mai più in eterne!
 E badè bein ca n' ho deitt mel...
 che osservand i sted centrel
 e i su alleied a menca o a dritta
 da per tutt le una sconfitta!
 Insomma Lour sti prepotent
 san foss ste al spii i tradiment
 cal birboned chià sempre fat
 i sarebb ste dun pezz disfat!...
 com a speram che prest i sia
 Lour con tutt la su genia!
 E i su alleied ossia i gambein
 a se Carso se Trentein
 a potrem di chià sempre pers?!
 se pu dopp la andò travers
 chiavett cla scosa italian
 quest el cnoss tutt i gabbien
 che Caporetto e fu un delitt!
 ma aqua in bocca e stamma zitt!

perchè ades in ogni mod
 a cazè i bastoun tra al rod
 e sarea pezz che mai
 che s' potrebb trovè di guai.
 Pansamma ades ma sti ragaz
 da mandei fora de ca...
 de Friolen o de Trentein
 d' cazei dla di nost confein!
 e pu zu zu da tutt la costa
 dl' Adriatiche che la nosta!
 Per fe quest in conseguenza
 i vo dla forza e resistenza
 cai cazamma d' bona voia
 da chi sit a ca de boia!
 ca la fuimma sta partida
 cla dovrebb ess già finida!
 Che dov chiè addes mi contadein
 dopp chi ià tolt tutt i quattrein
 ii ià magned i bov, al vach,
 purch e pegor sti macach,
 ii ià puli e bestiem da fat
 in nià nienca las e gat!...
 Guardè... am per ca l' ava ardit
 che la guera le un delitt!
 e a vlem sperè cla fniscia prest!
 ma i prim ch' na cheusa pu de rest
 o ch' sia Tizie opur Sempronie,
 an dagh a ment ma tent fandonie...
 i sra costrett sià fat de mel
 es condaned in tribunel
 da una giustizia ben severa
 chiandarà a mori in galera!
 E quand iè mort sti birbacioun
 si va su ma che portoun
 do chiè S. Pietre per guardien
 ca cred che sia un bon cristieu
 ei darà na gran zampeda
 d' arbaltei zou per cla streda
 zou ti mul trameza e vent
 comè ma tutt i prepotent;
 e quand ià avù 'na gran sbatuda
 ei mandarà do che andè Giuda!...
 I qui le fnid la poesia
 ma sam de un sold cosa vliv ch' sia?
 sa bev un ov s' un bicer d' vein
 bso' ca spenda vint bollein...
 e mench dem dou bajocheitt
 che tent e quent a starò dreitt.

P. Letteraria

G. VILLA